

Stapi lífeyrissjóður

Tillögur að samþykktarbreytingum á ársfundi 8. maí 2012

Tillaga 1:

Úr grein 3.2 fellur Verkalýðsfélag Hrútfirðinga en félagið hefur verið sameinað Stéttarfélaginu Samstöðu. Jafnframt falli Fagfélagið niður og þess í stað komi Byggið, féлага byggingamanna.

Tillaga 2:

Úr grein nr. 19.10 fellur út setning vegna heimildar sjóðsins til gerð samninga við endurhæfingaraðila og er breytingin yfirstrikuð :

Örorkumat skal framkvæmt af trúnaðarlækni sjóðsins, tryggingalækni eða teymi sérfræðinga sem hefur fagþekkingu á þessu sviði. Örorkumat skal miðast við læknisfræðilegar forsendur og fylgja reglum um örorkumat sem settar hafa verið. Við mat á orkutapi skal sérstaklega líta til þess hver starfshæfni og vinnugeta viðkomandi umsækjanda er og möguleikar hans til að ná aftur bata og starfsgetu með rétttri endurhæfingu

Skylt er öryrkja sem sækir um örorkulífeyri úr sjóðnum eða nýtur slíks lífeyris að láta stjórn sjóðsins í té allar þær upplýsingar um heilsufar sitt, sem nauðsynlegar eru til að dæma um rétt hans til lífeyris og ef nauðsynlegt er, gangast undir lækni skoðun hjá trúnaðarlækni sjóðsins eða öðrum lækni eða heilbrigðisstarfsmanni sem hann vísar til. Berist ekki fullnægjandi gögn og upplýsingar frá sjóðfélaga og hann sinnir ekki tilmælum sjóðsins þar að lútandi skal umsókn hans vísað frá. Sama gildir ef fullnægjandi upplýsingum er ekki skilað við endurmat á örorku sbr. gr.19.9.

Heimilt er að fengnu áliti trúnaðarlækni eða fagaðila að setja það skilyrði fyrir greiðslu örorkulífeyris, að sjóðfélagi fari í endurhæfingu, sem bætt gæti heilsufar hans. Endurmat á orkutapi skal fara fram að lokinni endurhæfingu. ~~Sjóðnum er heimilt í þessu skyni að gera samninga við endurhæfingaraðila um endurhæfingu örorkulífeyrisþega og taka þátt í kostnaði við endurhæfinguna. Jafnframt er s~~ Stjórn sjóðsins heimilt að greiða örorkulífeyrisþega sem tekur þátt í endurhæfingu allt að óbreyttum lífeyri á þeim tíma sem samningur um endurhæfingu stendur, þrátt fyrir ákvæði 19.3 um tekjuathuganir og 19.11 um breytingar á orkutapi. Í örorkumati er heimilt að krefjast þess að metið sé sérstaklega hvort sjóðfélaginn geti náð starfsorku á ný með rétttri endurhæfingu og þá að hve miklu leyti í hundruðshlutum talið. Ef svo er, þá skal fylgja í örorkumatinu endurhæfingaráætlun fyrir sjóðfélagann, sem honum ber að fara eftir. Sjóðurinn getur krafist þess að sjóðfélagi leggi fram með reglulegu millibili vottorð lækna og/eða annarra meðferðaraðila um þátttöku í endurhæfingu. Sinni sjóðfélagi ekki endurhæfingu í samræmi við endurhæfingaráætlun eða leggi hann ekki fram tilskilin vottorð er sjóðnum heimilt að skerða eða fella niður lífeyrisgreiðslur til sjóðfélagans framvegis þannig að þær reiknist út frá þeirri forsendu að sjóðfélaginn hefði náð öllum þeim bata, sem endurhæfingaráætlunin gerði frekast ráð fyrir.

Tillaga 3:

Við grein 27.6 bætist við setning í lok greinarinnar og er viðbótin rauðlituð:

Greiði sá sem segir upp samningi, ekki til tryggingadeildar sjóðsins vegna lágmarkstryggingaverndar, tekur uppsögn samnings ekki gildi fyrr en sá sem segir upp samningi hefur sannanlega tilkynnt hana til þess lífeyrissjóðs, sem veitir iðgjaldi hans til lágmarkstryggingaverndar móttöku, **enda varðar samningurinn ráðstöfun á lágmarksiðgjaldi skv. 2.gr. l. nr. 129/1997.**

Tillaga 4:

Í Viðauka B, komi eftirfarandi texti:

Eftir ársfund 2012 voru gerðar eftirfarandi breytingar á réttindum:

Áunnin réttindi voru lækkuð um 7,5%. Miðað var við réttindi, vegna iðgjalda ársins 2011 og eldri.

Ofangreindar breytingar skulu taka gildi frá upphafi næsta mánaðar eftir að samþykktirnar hafa verið staðfestar af Fjármálaráðuneyti.